



Ioannes Dieppurg Franckfordiæ natus & educatus est. inde literarum causa Heidelbergam ad Academiã sese contulit. Ibi adeo profecit, ut in philosophia & Theologia magnam eruditionem acquisierit. Erat etiam mirabili eloquentia præditus, ita ut coram rege Angliæ, deinde coram duce Sabaudia, & tandem coram rege Franciæ elegantes orationes habuerit. Hunc Ludouicus Palatinus ob morum integritatem primò Capellanum, & postea Secretarium suum elegit. quia etiam rebus agendis esset expeditissimus, sæpius in causis arduis eum hinc inde Legatum misit. In disputationibus nulli secundus erat. Itaque dùm per otia licebat, cõtra Hussi-

tas librum conscripsit. Item librum de Prædestinatione, & alium de Contractibus. floruit is anno 1425. Trit.